



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

II. Frequentiora dispensationum pontificiarum exempla in Occidente. Leo in Africa tolerant laïcorum ordinationes, sed bigamorum damnat. Hilarus veniam concessit Episcopis Hispanis, ordinatis absque ...

**urn:nbn:de:hbz:466:1-15591**

tante urbis obtinuit. Potestatis sua conscius, non dubitat auctoratu suo & favori adscribere Anatolij confirmationem; qui alioqui secundum canones pelli debuerat.

Ea quoque dispensationis indulgentiae auctoritate usus est in causa Maximi Antiocheni Episcopi, qui in locum Domini à Dioscoro damnati suffectus, ab Anatolio ordinatus erat. Huic ordinationi duo maxima via inerant. Vnum, quod Dominus ab impia Synodo Ephesina damnatus esset. Alterum, quod ordinatio illa *ταρεψη* adversus Nicenos canones, apostolicos, & Constantinopolitanos ab Anatolio peracta esset: cui tamen Leo connivere voluit, ob pacis studium: *Neque sibi estimet licuisse* (scilicet Anatolius) quod Antiochenae Ecclesie sine ullo exemplo, contra statuta *Canonum*, *Episcopum ordinare presumpsit*. quod nos amore reparande fidei & pacis studio retractare cessavimus. Nisi Leo benignè se gessisset in Maximum, ejus ordinationem retractare potuisset, ut ipse docet in hac epistola: quæ ad Marcianum Angustum cum sit data, potestas Leo-

*Council Chalcedon. Act. 2.*

nis indubitati juris esse censenda est. Nec enim in rea suam auctoritatem non pertinente tantam *ταρεψη* adhibuisset. Sed utendum non est conjecturis, ubi diserta habemus testimonia. Maximus à Synodo Chalcedonensi eo solùm nomine receptus est, quod Leo Summus Pontifex ejus ordinationem & communionem probasset. Et enim cum in cognitione que de Iba Edeseno habebatur, (qui iudicio Synodi Beryensis absolutus, a Dioscoro Ephesi damnatus erat) Judices interlocuti essent ut Acta Ephesina relegerentur, Paschalinus & ceteri Legati Romanæ sedis intercesserunt, eo quod lynom illam in irritum Leo misseret, præter negotium Antiocheni Episcopi, cuius communionem deinde amplexus erat: *Si ergo & à beatissimo & apostolico Romane urbis Episcopo, omnia que ibi gesta sunt, vana sunt habita, claret quia & sanctissimus Episcopus Antiochenae civitatis extra hec est, quem post hæc beatissimus Episcopus in propria communione suscepit.* Hæc ultima verba defunt in textu Græco; qua tamen à veteri interprete juxta fidem codicum antiquorum renta sunt. Quod patet ex sequenti Anatolij interlocutione, qui totam rem explicat:

*Definimus nihil horum valere que in illa que Synodus dicuntur (nempe Ephesina) sunt confecta; nisi illud circa sanctissimum Maximum magnam Antiochenæ civitatis Episcopum: quoniam & sanctissimus Leo Romanus Archiepiscopus in communionem eum recipiens, preesse eum Antiochenæ judicavit Ecclesie. quam formam sequens & ipse approbavi, & presens omne sanctum Concilium.*

Illustrè quoque extat exemplum veniam canonum à Simplicio Papa concessæ Stephano Antiocheno Episcopo, in gratiam Zenonis Imperatoris, qui hoc à Pontifice enixè postulavit. Ordinatus fuerat Constantinopoli ab Acacio, quemadmodum ab Anatolio Maximus, cùm à comprovincia libus ordinari debuisset; quemadmodum Flavianus Antiochenus ab Episcopis Orientalis diœceſeos ordinatus fuisse dicitur in epistola synodica Concilij Constantinopolitani. Sed ad vitandos tumultus, Zeno Stephanum eligi & ordinari Constantinopoli jusit anno quadragesimo septuagesimo nono, ea conditione, ne simile aliquid in posterum tentaretur. qua de certiorum fecit Simplicium, & ejus consensu roborari petuit. Cui desiderio se facile præbuit Summus Pontifex, ut patet ex ejus epistola ad Zenonem: *Vnde, inquit, que à vobis amore quietis sancte & religiosè sunt ordinata, reprobare non possumus, ne status Antiochenæ Ecclesie sub nostra dubitatione videatur ambiguus.*

II. Frequentius Ecclesiis Occidentis Romana sedes consulebat quam Orientalibus. Quippe suos Patriarchas istæ colebant, qui canonum executioni incumbebant in suis quique diœceſibus; ut Romanus Pontifex de singulis Episcopis sollicitus non esset, sed de Patriarcharum ordinationibus; de quibus certior fiebat per literas synodicas. Quare missio Oriente, remeandum est ad Occidentem; ubi Leo I. hoc temperamentum adhibuit in dirimendis Africarum illicitis ordinationibus, ut bigamos à sacerdotio pelleret, sed laicis studio populorum electis veniam tribueret. *Circumstant nos, inquit, hinc mansuetudo clementie, hinc censura justitie. Et quia universæ vie Domini misericordia & veritas, cogimur secundum sedis apostolice pietatem ita nostram temperare sententiam, ut trutinato pondere delictorum, quorum utique non una mensura est, quedam definiamus ut cunque toleranda, quedam verò penitus amputanda.* Ita vero provectionibus laicorum connivet, ut vetet eas in posterum: *Quod enim nunc utcunque est veniale, inultum esse postmodum non poterit, si quisquam id quod omnino interdicimus usurpare presumperit.* *Quia remissio peccati non dat licentiam delinquendi; neque quod potuit aliqua ratione concedi fas erit amplius impune committi.* Vnde patet mansuetudinem, clementiam, remissionem, & veniam delictorum à Leone dici, quod nos hodie irregularitatum dispensationem dicemus, & verbum Tolerandi hac quoque notione usurpatum.

Hilarus Pontifex hac indulgentia proce-

## & Imperij Lib. III. Cap. XIV. 181

**E**cus est duos Episcopos Hispaniae ordinatos à Silvano Calagurritano ; cuius præsumptionem coerceri petebat Ascanius Tarraconensis Metropolitanus , quod se inscio contra canones Episcopos illos instituisset. Factum verò Silvani excusabant honorati & possessores earum civitatum quibus dati erant Episcopi. Disceptatio gravissima in Synodo Romana peracta est , & temporum necessitate perspecta , id est , Gothorum omnia devastantium furore , ad veniam pertinere quod gestum est decrevit Hilarus ; ita ut nihil deinceps contra precepia beati Apostoli , nihil contra Njeronum canonum constituta tentetur. Vnde colligitur nos solū quod contendimus , venie ratione concedi solitas dispensationes , sed etiam eam esse vim necessitatis ut ordinatione Episcopi sine Metropolitanu celebra-  
ta , licet nullas vires habeat juxta Concilij Nicenī & Antiocheni canones , tamen eo casu convalescat.

**III.** Ea quæ dixi , personis ob pacem Ecclesiae indulta sunt. Aliquando verò exacta disciplina ad tempus remittebatur , ut rebus ipsis & statui ecclesiastico restituendo consuleretur. Qua ratione ductus Gelasius , cùm fame & bello devasta effet Italia , ut ministrorum officia in Ecclesiis repararet , promotionum ecclesiasticarum intervallo antiquis decretis præfixa ad tempus remisit ; ita ut monachis intra annum , & laicis intra decem & octo menses , presbyterij gradum adipisci liceret : *Quod pro accidentis defectus remedio providetur* , inquit ille , *non adversus scita majorum nova lege proponitur*. Id autem necessitate cogente aggressum se fuisse ait , & necessaria rerum dispensatione constringit : *Necessaria rerum dispensatione constringimur , & apostolice sedis moderamine conveni- mur , sic canonum paternorum decreta librare , & retro presulum decefforumque nostrorum precepta metiri , ut quis presentium necessitas temporum restaurandis Ecclesiis relaxanda deposita , adhibita consideratione diligenter , quantum fieri potest temperemus*. Et mox : *Priscis igitur pro sui reverentia manentibus constitutis , que , ubi nulla rerum vel temporum perurget angustia , regulariter convenit custodire*. Hic Gelasius uititur eodem sensu dispensationis voce , quo vicinopœia usurpat apud Græcos.

**IV.** Aliquando etiam iudicio synodali dejectis Episcopis , restitutio est clementer indulta à Summis Pontificibus ; ita tamen ut synodorum consensus accesserit. Quod tribus exemplis illustrari potest : quorum unum in Italia , alterum in Gallia locum habuit , & tertium in Oriente. Misenum Episcopum honore & communione in Synodo Romana privatum Gelasius in altera Syno-

do Romana sacerdotali dignitati restituit anno quadringentesimo nonagesimo quinto. Rothadus Episcopus Suezionensis sede sua à Synodo Gallicana dejectus est anno octingentesimo sexagesimo quinto. *Nostrum judicium* , inquit Hincmarus , *per regulas ex- cutum , sedes apostolica non cassavit ; sed Rothado , qui ad eam fecit confugium , humiliter pos- centi solarij benignitatem impendit*. Scio qui-  
Hincmar. c. 5.  
Op. 14. f. 5.

*Vide lib. 7. cap.*  
*14. f. 5.*

tentiam , à qua Rothadus appellaverat. Sed quia Gallicani Episcopi illo casu non esse locum appellationi contendebant , ideo Hincmarus clementia Nicolai tribuit Rothadi restitutionem ; cui Ecclesia Gallicana assensit , sub titulo restitutionis à Nicolao ex benignitate & venia indultæ. Apud Orientalem Ecclesiam qui motus à Photio excitati fuerint , docent & Nicolai epistola & Synodus Octava ; quæ illum Patriarchatu Constantinopolitano depulit , & percu- lit anathemate. Attamen Ignatio functo , Photius toties damnatus sedem suam recepit suffragiis Orientalium Episcoporum , adniente Basilio Imperatore. Sed illa restitutio integra esse non poterat , nisi à sede apostolica probaretur. Quare Ioannes VIII. ro- gatus ab Imperatore ut Ecclesiae paci con- suleret , necessitati cedens , Leonis , Gela-  
Ioan. VIII. ep. ad  
Basilium.

sij , Felicis , & Concilij Africani auctoritate fretus , qui in rerum angustiis temperandas esse regulas docent , de consensu ceterorum Patriarcharum Photium anathemate libe-  
Breviarium VIII.

rvavit , illique sedem retinere concessit , ea lege , ut coram synodo cogenda misericordiam peteret. De consensu , inquam , ceterorum Patriarcharum & Episcoporum

Ioannes Photium solvit , ut videre est in epistola germana ejusdem Ioannis ; quam-  
syn.

quam in epistola à Photio corrupta hic con- sensus desit. Vnde occasionem sumpit au-  
Z. iii

ctor Breviarij Octavae Synodi , hanc Photij restitucionem à Ioanne VIII. decretam con- vellendi ; quia scilicet unum Patriarchium damnatos à ceteris Patriarchis solvere non potest , *εν πατριαρχοῖς οὐ δύναται*. Imò verò neque per modum dispensationis hoc fieri posse concedit ; quia ex Chrysostomo dispensationi locus non est , cùm manifesta est prævaricatio. Ceterū à culpa Ioannem liberat Principis & ceterorum Patriarcharum totiusque Synodi Orientalis consensus , quem datum fuisse Ioannes suis literis signi- ficat. Profert autem ad confirmationem sententia sua exempla Athanasij , Chryso- stomi , & Flaviani ; qui à synodis damnati cùm fuissent , à sede apostolica in integrum restituti sunt. Quibus exemplis quoque Pho- tium à Ioanne restitutum scribit Ivo , cùm